



Pou Piblikasyon Imedya: 07/07/2023

GOUVÈNÈ KATHY HOCHUL

**GOUVÈNÈ HOCHUL ANONSE OUVÈTI PREMYE DISPANSÈ KANABIS POU ADILT
ITILIZE EPI KI GEN LISANS NAN BRONX AK NAN LONG ISLAND**

Ouvèti dispensè nan Long Island nan Farmingdale nan dat 8 jiyè

Lòt ouvèti dispensè nan Rejon Kapital la ak Vestal nan dat 7 ak 8 jiyè

***Dispansè Bronx ki dirije pa moun ki afekte pa lajistis te ouvri 6 jiyè, ki jwenn sipò
Envestisman nan Kanabis pou Ekite Sosyal New York la***

Gouvènè Kathy Hochul te anonse jodi a ke premye dispansè kanabis yo deja ouvri semèn sa a nan Bronx ak nan Long Island, ak de lòt k ap vini nan Rejon Kapital la ak nan Southern Tier. Sa pral fè total dispansè legal epi ki gen lisans nan Eta a pase a 19.

"New York ap dirije nasyon an nan bati yon nouvo endistri kanabis ki fè avanse jistis sosyal ak bay opòtinite ekonomik pou moun ki te andomaje pa aplikasyon lwa kanabis ki pa ekitab yo", **Gouvènè Hochul te deklare**. "Avèk nouvo ouvèti dispansè sa yo nan New York, n ap bay Nouyòkè yo pwodwi ki pi an sekirite, pandan n ap avanse objektif anbisye nou yo pou ekite nan lwa sou kanabis New York yo."

Dispansè Bronx lan, ki rele Statis Cannabis Co, jwenn sipò Fon Envestisman nan Kanabis pou Ekite Sosyal New York (Fon an), pwogram lan te kreye pa Gouvènè Hochul epi li te adopte pa Lejislati a pou priyorize emisyon lisans pou moun ki enplike nan lajistis yo. Statis Cannabis Company te ouvri pou vann publik la a 4:20 p.m., jedi 6 jiyè a nan 817 East Tremont Avenue, The Bronx. Se antreprenè Angel Turuseta ak Emely Chavez k ap dirije li, ki te resevwa lisans Dispansè pou Vann an Detay pou Itilizasyon Adilt Kondisyonèl (Conditional Adult Use Retail Dispensary, CAURD) pa yo atravè Biwo Jesyon Cannabis (Office of Cannabis Management, OCM) New York la. Emely se yon diplome nan Rutgers University ak New Jersey City University ak yon diplòm Metriz nan Edikasyon Espesyal epi li se yon pwofesè edikasyon espesyal pou plis pase yon deseni. Angel se yon natif Vil New York ki te jwenn opòtinite kòm yon anplwaye vil nan Oorite Transpò Piblik NYC a.

Dispansè Long Island lan, Strain Stars LLC, pral ouvri a midi samdi 8 jiyè nan 1815 Broadhollow Road nan Farmingdale. Kamaldeep Singh, Tushar Mallick, Jasmin Kaur, Darminder Sing, ak Gurmeet Sing pral posede ak opere dispansè sa a. Pandan senk

ane, Kamaldeep Singh, yon aplikan ki enplike nan lajistis, te posede ak opere Whitestone Mart Inc, yon estasyon gaz nan Whitestone, New York ak yon vitrin magazen ki vann an detay ki kole ak li. Singh genyen tou yon lisans pou vann an detay kanabinoyid chanv ki te bay pa Biwo Jesyon Kanabis la.

Stage One Cannabis LLC, ki pral ouvri 7 jiyè nan 810C Broadway, nan Rensselaer, pral konvèti soti nan yon ki gen modèl livrezon sèlman pou pase nan yon dispansè ki bay sèvis konplè. Li pral posede ak opere pa Nathaniel Innes, Galina German-Innes, Sugey Mirsky, ak Joshua Mirsky. Pandan 11 ane Joshua Mirsky te posede ak opere estidyo Foster House Studios Recording nan Albany.

Epitou ouvèti 8 jiyè a se pral Exscape Inc, yon dispansè ki bay sèvis konplè nan 1308 Vestal Parkway E, nan Vestal. Dispansè sa a pral posede ak opere pa Todd Hartman, tou yon aplikan ki enplike nan lajistis. Pandan 21 ane, Mesye Hartman te posede & opere Designs by Pyramid, ki se yon gwosist tabak ak pwodwi a vapè ki sitiye nan tout pati nò New York la.

Semèn pase a, Greenery te ouvri pòt yo kòm yon dispansè nan Johnson City nan Southern Tier. Dispansè sa a posede ak opere pa Christopher M. Myers, Brandon R. Myers ak Gregory R. Myers. Pandan twa ane Gregory Myers te posede & opere Myers Security LLC, yon konpayi entegrasyon sekirite.

Anons sa yo vini yon semèn apre Gouvènè Hochul te anonse ke yon envestisè prive, Chicago Atlantic Group la, te envesti jiska 150 milyon dola nan Fon an, ki te otorize pa Gouvènè a ak Lejislati Eta New York la pou sipòte akizisyon, konsepsyón, konstriksyon, konstriksyon, ak ekipe lokal dispansè kanabis yo pou yo opere pa benefidyè lisans CAURD yo Ouvèti dispansè yo ede avanse objektif New York pou ekite an matyè lisans pou kanabis, ki priyorize bay lisans pou moun ki enplike nan jistis, ki se moun ki gen yon kondanasyon pou kanabis oswa yon fanmi pwòch yon moun ki gen yon kondanasyon.

Statis Cannabis Co. sipòte pa Fon an epi yo pral li pral ouvri "tanporèman". Menm jan ak dispansè tanporè sa yo, sa pral bay benefisyè lisans yo opòtinite pou yo ouvri sou yon baz akoutèm pou fè lavant rapid epi kòmanse jenere kapital pou biznis yo anvan yol fèmen pou konstriksyon final epi apre sa yo pral re-ouvri sou yon baz alontèm.

Pou jwenn yon lis dispansè konplè ki legal, ki gen lisans kanabis pou itilizasyon adilt Eta New York la, vizite <https://cannabis.ny.gov/dispensary-location-verification>.

Prezidan ak Direktè Egzekitif Jeneral Otorite Dòtwa Eta New York la, Reuben McDaniel III, te deklare, "Mwen kontan wè premye dispansè a ouvri nan Bronx la kòm yon kolaborasyon ant Fon an, Dasny, ak Biwo Jesyon Kanabis la. Sitiye nan kè Bronx lan, dispansè sa a afime angajman New York nan ouvri pòt pou moun ki gen volonte ak angajman pou envesti nan kominate yo epi chèche siksè pou yo ak fanmi yo. Mwen rekonesan pou lidèchip Gouvènè Hochul nan pwogram sa a ki abòde enjistik istorik ki

anrasinen yon faon pwofon, sipò ekstrawòdinè pwogram sa a jwenn nan men Lejislati a, ak travay lidèchip Fon an."

Kofondatè Statis la Angel Turuseta, te deklare, "Nou rekonesan anvè Dasny, Biwo Jesyon Kanabis New York la ak Gouvènè Hochul pou opòtinite enkwayab sa a pou non sèlman franchi yon lòt etap pou pi devan nan korije 'Lagè kont Dwòg' ki echwe a, men tou montre sa antreprenè tankou nou ka fè lè gen politik ekitab ak sipò ki an plas. Nou pa ka tann pou nou ouvri lokal pèmanan nou an akote Yankee Stadium lan, ansan ak agrandi anprent nou an atravè livrezon ak rive atenn Nouyòkè nan yon fiti ki pa twò lwen."

Emely Chavez, Kofondatè Statis, te deklare, "Avèk sipò Dasny an, Statis pral bay tretman ki chanje lavi moun ak travay ki ofri yon salè ki vivab nan kominoteke anpil nan nou travay epi viv ladan. Etandone ke entèdiksyon kanabis la kontinye rete youn nan kanpay move enfòmasyon ki gen plis siksè nan istwa modèn Ameriken an, nou menm tou nou pa ka tann pou òganize evènman kominotè edikatif ki rasable kominote nou an akbay an retou pou moun yo nan Bronx lan."

Doktè Meisha Porter, Prezidan ak Direktè Egzekitif Jeneral Bronx Community Foundation, te deklare, "Ouvèti dispansè sa a mete aksan sou istwa kanabis la nan Bronx. Nou tout konnen ke moun ki abite nan minisipalite nou an te soufri yon fason ki pa pwopòsyonèl pandan entèdiksyon kanabis la. Koulye a, nou dwe ekri yon nouvo chapit kote yon nouvo endistri kanabis legal ede Bronx a simonte deseni dezenvestisman yo ak ede batí avni ki dire lontan, ak dirab pou kominote nou yo. Mwen vle remèsyé Gouvènè Hochul a patnè nou yo nan tout eta a paske yo fè jounen sa a posib."

Chris Alexander, Direktè Egzekitif Biwo Jesyon Kanabis Eta New York la, te deklare, "Pandan nou temwen ouvèti istorik premye dispansè legal yo nan Bronx ak Long Island, nou selebre yon etap enpòtan nan direksyon aksè ekitab ak kanabis ki pi an sekirite. Okazyon enpòtan sa a non sèlman pote opòtinite ekonomik nan kominote sa yo, men tou reprezante angajman nou pou ankouraje yon endistri kanabis ki enklizif ak responsab. Nou pa tann enpak pozitif dispansè sa yo pral genyen sou rezidan Bronx ak Long Island yo, pandan n ap kontinye priyorize ekite sosyal, sante publik ak sekirite pandan n ap agrandi mache kanabis la nan tout Eta New York."

Prezidant Konsèy pou Kontwòl Kanabis Eta New York la, Tremaine Wright, te deklare, "Se yon bél bagay pou selebre premye dispansè legal yo nan Bronx ak Long Island. Gras ak lidèchip Gouvènè Hochul ak sipò DASNY, New York man premye liy divèsite a nan endistri kanabis la nan peyi a. Etablisman revolisyonè sa yo non sèlman bay anviwònman ki an sekirite ak reglemente pou aksè ak kanabis, men tou sèvi kòm yon temwayaj angajman nou pou ankouraje opòtinite biznis enklizif. Lè nou sipòte divès antreprenè epi asire patisipasyon ekitab, nou ap trase wout la pou yon endistri dinamik epi ki reprezentatif."

Damian Fagon, Direktè Egzekitif Jeneral Biwo Jesyon Kanabis la, te deklare,
"Malgre li reprezante sèlman sèt poustan popilasyon New York la, rezidan Bronx yo te
reprezante plis pase 20% nan tout arrestasyon ki gen rapò ak kanabis depi 1980, ak plis
pase 95% nan moun yo te arete yo se te Nwa oswa Ispanik. NEw York ap fè travay pou
korije mal istorik sa yo, nan bay moun ki andomaje pa move politik yo opòtinite pou yo
bati biznis k ap pwospere nan bon fason an. Soti nan Bronx rive nan Long Island rive
nan tout kwen nan Eta sa a, ouvèti sa yo te pran plizyè ane, epi mwen pa ta ka pi fyè
pou m wè antreprenè sa yo ouvri magazen pa yo."

**Lavetta Willis, Direktè Fon Envestisman nan Kanabis pou Ekite Sosyal la, te
deklare,** "Antanke Direktè Jeneral Fon Envestisman nan Kanabis pou Ekite Sosyal New
York la, mwen gen onè pou m temwen ouvèti premye dispansè kanabis ki gen lisans
nan Bronx, ki dirije pa antreprenè Angel Turuseta ak ko-fondatè Emely Chavez ki afekte
pa jistis. Ouvèti dispansè sa a se yon etap pwisan nan misyon nou pou nou priyorize
ekite nan lisans kanabis epi asire ke moun ki enplike nan jistis yo gen opòtinite pou yo
pwospere nan endistri sa a. Se tout moun ki pou mete men. Kolaborasyon avèk biwo
Gouvènè a, OCM, DASNY ak Chicago Atlantic Group la bay vizyon sa yo lavi epi kreye
chanjman dirab nan kominate nou yo."

Travay ak filyal Otorite Dòtwa pou Eta New York (Dormitory Authority for the State of
New York, DASNY), Kòporasyon Sèvis Ekite Sosyal (Social Equity Servicing
Corporation, SESC), Fon an se yon patenarya piblik-prive limite ki te fòme pou
pozisyone antreprenè ekite sosyal yo pou yo reyisi nan endistri kanabis pou itilizasyon
adilt la ki fèk kreye nan New York la. Jere pa Antrepriz ki gen Enpak sou Ekite Sosyal,
Fon an pral ede benefisyè lisans CAURD yo ki enplike nan lajistis fè fas ak depans pou
etabli dispansè pou vann kanabis an detay pou itilizasyon adilt yo. Li sipòte pa jiska 50
milyon dola nan frè lisans ak revni ki soti nan endistri kanabis pou itilizasyon adilt yo ak
jiska 150 milyon dola ki soti nan sektè prive a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418